



# Cumün da vaschins Zernezhof

---

## Protocol

### **Radunanza da vaschins da marcurdi, als 18 december 2019, a las 20.00, i'l auditori dal center dal Parc Naziunal Svizzer a Zernezhof**

Preschaints: 14 vaschinas e vaschins cun dret da vuschar

S-chüsats: Arno Felix

### **Tractandas:**

- 1. Salüd e bivgnaint**
  - 2. Tscherna da duos scrutinaduors**
  - 3. Protocol da la radunanza da vaschins dals 30 avrigl 2019**
  - 4. Aprovaziun dal quint cumünal dals vaschins da Zernezhof pel 2018**
  - 5. Contrat da servitut per la Chamonna SAC in Griaesch**
  - 6. Tscherna da substituziun per ün(a) revisur(a) da quint**
  - 7. Orientaziuns e varia**
- 

#### **1. Salüd**

Il president salüda la radunanza e giavüscha la buna saira. El constatescha cha la bannida es ida oura per temp sco üsità e cha la radunanza es abla da decider. El preschainta la glista da tractandas e lascha approvar quella da la radunanza.

#### **2. Tscherna da duos scrutinaduors**

I basta cun ün scrutinadur e sco tal vain tschernü Fabian Schorta.

#### **3. Protocol da la radunanza dals 30 d'avrigl 2019**

Il protocol es stat exposé illas assas nairas e sülla pagina d'internet dal cumün. El vain approvà sainza discussiun.

#### **4. Aprovaziun dal quint cumünal dals vaschins da Zernezhof pel 2018**

Rendaquint 2018: Il president declera cha adonta cha'ls vaschins da Zernezhof surlaschan las entradas e las sortidas e lur possess al usufrüt dal cumün politic, pretenda l'uffizi chantunal da cumüns ün quint separà pels vaschins. Insembel cul contabel dal cumün politic ed ils respunsabels da l'uffizi da cumüns as ha chattà uossa ün model da quint chi cuntainta a las ledschas ed instanzas superiuras. Quel ha uossa da gnir fat bun da la radunanza. Il president preschainta il quint cun tuot seis detagls e sta a dispuziun per eventualas dumondas cha la radunanza però nun ha il bsögn da far, davó la preschantaziun fich detaglada.

Rapport da revisiun: Ils revisuors han revais il quint e Fabian Schorta prelegia il rapport dals revisuors.

La radunanza approva il quint cun ün bilantsch da 13'631.40 francs, cun unanimità da vuschs e dà dis-charg a tuot ils organs respunsabels.

---

## 5. Contrat da servitut per la Chamonna SAC in Grialetsch

Il president preschainta la situaziun chi as dà in connex cun üna renovaziun da la Chamonna SAC in Grialetsch. La secziun da l'SAC da San Galla ha vendü la chamonna a la secziun da Tavo. Quella ha uossa decis da far üna renovaziun e sanaziun totala da la chamonna. Per far quai dovra ella duos drets da servitut dal cumün da vaschins:

Dret da fabrica per üna sarinera suotterana: In connex cun la sanaziun e renovaziun esa ledscha cha la chamonna sto eriger üna sarinera. Id es üna sarinera, pro la qualla tuot ils excremains dürs vegnan sortits fingià ouravant e davo daja üna sarienera in trais s-chalins per nettiar l'aua da scul. Ils trais tumbins suotterans dessan tuots gnir realisats sün terrain da vaschins e l'aua sto scular in ün aual in vicinanza. Per la belma da compost düra da sarinera daja ün lö da deposit sco eir pel material da s-chaf. Tuot insembel ha da gnir fat bun da l'uffizi chantunal d'ambient sco premissa per pudair eriger la sarinera. Ils differents pass cun lös da deposit per material da s-chaf e quel per belma sütta sco eir ils trais tumbins suotterans sül terrain da vaschins, sun descrits e segnats aint, in detagl sül contrat da servitut.

Dret da fabricar plü daspera: Cun quai cha la chamonna as rechatta fingià uossa a l'ur da la parcella da maniera cha la distanza da 2,5 meters davent dal cunfin nun es tgnüda aint, sto il patrun da fabrica far eir üna dumonda per fabricar plü daspera. Tuot il fabricat resta eir inavant 1.15 meters davent dal cunfin. Pro ün toc da la chamonna vain quella dozzada, aint in quel perimeter.

La radunanza approva sainza cuntravusch il contrat da servitut culla secziun SAC da Tavo chi'd es possessura da la Chamonna SAC in Grialetsch.

## 6. Tscherna da substituziun per ün(a) revisur(a) da quint

Il terz commember da la cumischiun sindicatoria ed uschè suppleant da quella, Arno Felix ha demischiunà quista carica pro'l cumün da vaschins per la fin dal 2019. In carica restan Fabian Schorta e Christa Pinggera chi sun gnüts elets l'on passà per trais ons. Sco nouv commember vegna fat la proposta per Jon Andrea Könz. La radunanza elegia a Jon Andrea Könz cun 13 vuschs ed üna abstenziun, sainza cuntravusch.

## 7. Orientaziuns e Varia

Il president da vaschins, Rico Zala, orientescha a la radunanza sur dad oters affars dal cumün da vaschins:

- Natüralisaziuns: Actualmaing sun entradas duos dumondas da natüralisaziun da duos duonnas cun vaschinadi portugais chi vivan fingià blers ons a Zernez. Lur dumonda da natüralisaziun gnarà davo üna procedura obligatoria, preschantada a la radunanza d'ur chi vain.  
Implü haja dat duos natüralisaziuns simplifichadas. Quai sun natüralisaziuns dad üna duonna chi viva in Brasilia e quella dad ün hom chi viva i'l Emmental.
- Il president orientescha ultra da quai chi dà cudeschs digitals pels piz ils plü ots illas alps. Installar da quels cudeschs digitals as po per chenünas muntognas chi's voul. Ellas ston però esser almain 2000 meter sur mar otas.

Da la tractanda varia nu vegna fat adöver.

La radunanza po gnir serrada a las 20.40.

Il president:

L'actuar:

Rico Zala

Hermann Thom